



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE SACRAMENTO|| POENITENTIAE.|| QVATVOR LIBRIS COM-||REHENSA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

XIX. Diluitur secunda obiectio Kemnitij.

[urn:nbn:de:hbz:466:1-54092](https://nbn-resolving.de/urn:nbn:de:hbz:466:1-54092)

sit Magdalena, & Paralytico: nec debuissent Acto. 8. per impositionem manum Spiritum sanctum dare, quia Christus non manus imponendo, sed insufflando Spiritum sanctum dedit. Ioan. 20.

IGITVR misit Christus Apostolos, sicut ipse missus fuerat a Patre; quia potestatem eis dedit ligandi & soluendi, ut ipse a Patre acceperat: quæ est Chrysostomi expositio. Sed tamen accepit ipse ut Filius, & proinde talem, ac tantam, ut posset etiam sine Sacramentis iustificare: dedit autem eam Apostolis, ut ministris, ac seruis, ac per hoc longè minorem, & Sacramentis, aliisque mediis a se institutis alligatam.

Misit ETIAM Christus Apostolos, ut ipse a Patre missus fuerat, quia ad id eos misit, ad quod ipse fuerat missus, videlicet ad reconciliandos homines Deo, ad Euangelium prædicandum, ad Ecclesiam propagandam: quæ est expositio Cyrilli.

DENIQUE misit Christus Apostolos, ut ipse a Patre missus fuerat, quia misit eos, non ad delicias, sed ad crucem, licet vehementer amaret: quemadmodum ipse a Patre infinito amore diliebat, & tamen ad passionem, & mortem, non ad mundi gaudia mittebatur: quæ est explicatio sancti Gregorij, Homil. 26. in Euangelia.

CAPVT XIX.

Diluitur II. obiectio Kemnitij.

SECUNDA obiectio Kemnitij habetur pag. 1007. usque ad pag. 1014. vbi argumentum dicit ex historia Nectarij, cuius hæc est summa: *Confessio publica abrogata fuit, & mutata in priuatam ab Episcopis, tempore Decij Imperatoris, & postea, Confessio autem priuata abrogata fuit tempore Nectarij: igitur nec publica, nec priuata Confessio necessaria est Iure diuinio; neq; enim sanctissimi Patres Ius diuinum tollere ausi fuissent.*

Confirmat etiam hoc argumentum Kemnitius ex historia Socratis, lib. 5. cap. 19. vbi legimus mulierem quandam confessam esse Presbytero pœnitentiario κατὰ μερῆς, id est, ex parte: ex quo sequitur, non fuisse tunc necessarium, confiteri omnia

omnia peccata integrè Iure diuino. Confirmat rursus ex eadem historia, vbi legimus, vnum fuisse Presbyterum Parientiarium in tota Ecclesia Conſtantinopolitana. Hinc enim colligimus, nō fuisse necessarium eo tempore, ut singuli peccata omnia confiterentur; neque enim in tam ampla vrbe, ubi erant 60. Presbyteri, tempore Iustiniani, potuisset vno Presbyter, tot ac tam longas Confessiones audire.

R E S P O N D E O, totum hoc argumentum ex imperitia coagmentatum esse. **N A M** quod primo loco Kemnitius dicit: Confessionem publicam abrogatam fuisse tempore Decij Episcopis; falsum est, & ex ignorantia manifesta profectum. Nam quod Sozomenus scripsit, iuxta fidem Cassiodorii hist. Tripartita, lib. 9. cap. 35. visum esse sacerdotibus ab initio ut peccata tanquam in theatro panderentur: refert Kemnitius ad ea tempora, quæ Nouatianam hæresim, & imperium Decij præcesserunt. **D E I N D E**, vult istam constitutionem de publica Confessione facienda, abrogatam fuisse ab Episcopis, qui fuerunt tempore hæresis Nouatianæ, Decio imperante; & hanc esse appendicem illam de qua loquitur Socrates.

S E D toto cœlo aberrat. Sozomenus enim cum dicit (suxa fidem Cassiodori) visum esse Episcopis, qui ab initio fuerunt, ut peccata tanquam in theatro panderentur, loquitur de constitutione facta tempore Nouatianæ hæresis, non de aliqua alia priore: & hæc ipsa constitutio, non autem huius constitutionis abrogatio, est appendix, de qua loquitur Socrates, proinde tantum abest, ut tempore Decij fuerit abrogata Confessio publica, ut potius tunc priimum fuerit ab Episcopis imperata.

Id autem ita esse, probatur **P R I M O**. Si Episcopi tempore Decij abrogasset Confessionem publicam, & solùm priuatam retineri voluissent, ut Kemnitius dicit: illa non fuisset appendix, siue additio ad veterem canonem, sed potius deratio, siue abrogatio veteris canonis. At vera fuit additio atque appendix, teste Socrate, ut eam etiam vocat Kemnitius, quam Episcopi tempore Decij fecerūt: ergo non abrogarunt Confessionem publicam, sed eam potius addiderunt ad priuatam.

SECVN-

SECVNDO, si tempore Decij abrogata fuisset Confessio publica, non potuisset accidere scandalum tempore Nectarij ex Confessione, neque illa fuisset caussa, cur Nectarius Presbyterum pœnitentiarum de Ecclesia tolleret: constat enim ex Socrate, scandalum illud ex publica Confessione mulieris natum esse.

TERTIO, Sozomenus scribit, ab illis ipsis Episcopis constitutum fuisse Presbyterum pœnitentiarum, qui decreuerat, peccata quasi in theatro publicè esse pandenda. Sed Presbyterum pœnitentiarum constitutum fuisse tempore Decij, scribit Socrates: ergo decretum illud de Confessione publicè facienda, ab Episcopis illis editum est, qui fuerunt tempore Decij, non autem ab antiquioribus, ut Kemnitius somniat.

NEQUE obstat, quod Sozomenus dicat, decretum illud factum esse ab Episcopis, qui ab initio fuerunt: nam qui fuerunt tempore Decij, dicuntur fuisse ab initio, quia proximi fuerunt temporibus Apostolicis, & multò antiquiores erant, quam esset Nectarius, qui decretum illorum sustulit, aut Sozomenus, qui sublatum retulit.

QVARTO, Sozomenus scribit, decretum Episcoporum, qui ab initio fuerunt, quique Presbyterum pœnitentiarum constituerunt, à Nectario abrogatum fuisse. Constat autem ex Socrate, à Nectario abrogatum decretum Episcoporum, qui tempore Decij Ecclesiæ gubernabant: iidem igitur sunt Episcopi, qui ab initio apud Sozomenum, & qui tempore Decij apud Socratem fuisse dicuntur. Quare appendix, de qua loquitur Socrates, est ipsa constitutio, de qua loquitur Sozomenus, non autem eius abrogatio, ut sine illa caussa finit Kemnitius.

PORRO, hoc fundamento euerso, ruit ædificium totum argumenti Kemnitiani. Nam quod secundo loco Kemnitius affirmat, Confessionem priuatam abrogatam fuisse à Nectario, falso nititur fundamento, quod videlicet appendix ad veterem canonem, quam Nectarius sustulit, fuerit mutatio Confessionis publicæ in priuatam. PRAETEREA cap. 14. demonstrauimus contra Caluinum, Confessionem publicam, non autem priuatam, à Nectario abrogatam fuisse.

QVOD

Q[uo]d etiam Kemnitius dicit in confirmatione prima mulierem quandam confessam esse ex parte, non autem in gr[ati]a: ex peruersa interpretatione Græcæ vocis natum est; illuc enim *κατὰ μέρος*, non significat hoc loco, ex parte, sed particulatim, ut reddidit Ioannes Christophorus, omnium iudicio græcæ linguæ peritissimus. Ex quo intelligimus, formam illam confessam esse in particulari omnia peccata, ut Catholici faciunt, non autem generatim, ut faciunt Lutherani.

Q[uo]d denique in 2. confirmatione Kemnitius addit, non potuisse tot Confessiones ab uno Presbytero audiri, iam supra explicatum est in solutione 2. obiectionis Calvini, cap. 14. vbi ostendimus, Presbyterum illum, non omnium pœnitentium Confessiones audire debuisse, sed eorum tantum, quae publicam pœnitentiam agebant.

CAPVT XX.

Diluitur III. obiectione Kemnitij & simul obiectiones Brentij.

SERTIA obiectione Kemnitij, quæ habetur pagina 1019. sumitur à testimoniiis Patrum: ac præter loca quædam sancti Ioannis Chrysostomi, ad quæ responsum est supra, cap. 14. adducit PRIMO CASSIANVM, qui Collat. 20. cap. 8. sic loquitur: *Quod si Verecundia retrahente reuelare coram hominibus erubescit, illi quem latere non possunt confiteri iugis supplicatione non desinas, qui ergo absq[ue] illius Verecundia publicatione curare, & sine improprio peccata donare consueuit.*

Sed non potest dubium esse, quin Cassianus doctorem suum Chrysostomum sequutus sit, & ideo in eundem sensum hæc eius verba accipienda sint, in quem accipienda esse demonstrauimus verba Chrysostomi, cap. 15. quanquam Cassiani verba facilius explicitur, cum nihil adiunctum habeant, vnde excludi videatur Confessio priuata. *Quod enim ille dicit in numero multitudinis: Si reuelare coram hominibus,*